

EQQUMIITSULIORNERMUT ANINGAASAATEQARFIMMUT QINNUTEQARNERMI MALITTARISASSAT

Inatsisitigut tunngavigineqarput Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-imeersoq, Kalaallit Nunaanni Eqqumiitsuliornermut Aningaasaateqarfik pillugu Namminersorlutik Oqartussat nalunaarutaat nr. 43, 13. august 2021-meersoq kiisalu Eqqumiitsuliornermik ingerlatsineq tamatumingalu ingerlatitseqqittarneq pillugit Namminersorlutik Oqartussat nalunaarutaat nr. 75, 21. december 2021-meersoq.

Kapitali 1

TAPIIFFIGINEQARSINNAATITAASUT

§1. Tapiissutit makkununga tunniunneqarsinnaapput:

- 1) Eqqumiitsuliornermik ingerlatsinerneq tamatumingalu ingerlatitseqqittarneq eqqumiitsuliortup suliaqarneranut, ineriartortitsineranut tunisassiorneranullu, aamma
- 2) Kalaallit Nunaanni eqqumiitsuliornermik ingerlatsinerneq nunanilu allani kalaallit eqqumiitsuliaannik allanik saqqummersitsinerneq ingerlatitseqqisarnermullu atatillugu suliffinnut, suliffeqarfinnut, suleqatigiiffinnut assigisaannullu.

§2. Eqqumiitsuliornermik ingerlatsinerup tamatumalu ingerlateqqittarnissaanup eqqumiitsuliortumut tapiissutit, tak. § 1, imm. nr. 1, eqqumiitsuliortunup qinnuteqarnerup nalaani Kalaallit Nunaanni aalajangersimasumik najugaqartumut tunniunneqassapput.

§3. Kalaallit Nunaanni eqqumiitsuliornermik ingerlatat nunanilu allani kalaallit eqqumiitsuliaannik saqqummersitsinissamut ingerlatitseqqinnissamullu tapiissutit, tak. § 1, imm. 2, suliffinnut, suliffeqarfinnut, suleqatigiiffinnut assigisaannullu Kalaallit Nunaanni najugalinnut tunniunneqassapput.

Kapitali 2

TAPEERIAATSIT

§4. Qinnuteqartoqareerneratigut qinnuteqartunup tapiissutit makku aqutigalugit tunniunneqassapput:

- 1) Suliniutinup tapiissutit, tak. § 5.
- 2) Sulinissamut tapiinerit, tak. § 6.
- 3) Tapiissuteqarnissamut qularnaveeqqusiinerit, tak. § 7.

§5. Suliniutinup tapiissuteqarnermi paasineqassapput sammisassanup piffissami killilimmi ingerlanneqartunup aammalu tigussaasumik anguniagaqarfiusunup imaluunniit inaarutaasumik angusaqarnermut tapiissutit.

Imm. 2. Suliniutinup tapiissutit suliniutinup qinnuteqarfiup nalaani ukiut 5-it iluanni naammassineqartunup tunniunneqarsinnaapput.

§6. Sulinerneq tapiisoqarnerani tapiissutit sulinerup ingerlanneranut imaluunniit eqqumiitsuliornerup ingerlanneranut tapiissutit pineqarput.

Imm. 2. Sulinermut tapiissutit qaammammut aalajangersimasumik aningaasartalerlugit piffissamilu killeqartumi tunniunneqassapput. Kultureqarnermut Naalakkersuisoqarfik aningaasat qaammammut tunniunneqartartut amerlanerpaaffissaannut piffissaliunneqartumullu killeqartumut aalajangersaasinnaavoq.

Imm. 3. Sulinermut tapiissutit eqqumiitsuliortunut tapiissuteqarnerup nalaani tamakkiisumik suliffeqarnikkut akissarsiatigut peqatigitillugu aningaasarsialinnut imaluunniit pisortanit aningaasanik tiguisartunut inuuniarnikkut aningaasartuutit matussusernissaannik tamakkiisumik siunertalinnut tunniunneqarsinnaanngillat.

§7. Tapiissutitut qularnaveeqqusiinermi paasineqassaaq tapiissutit tunniunneqassasut tapiissutit tunniunneqarneranni piumasaqaatit naammassineqarsimappata.

§8. Makkununga tapiissuteqartoqarsinnaanngilaq:

- 1) Sammisanut qinnuteqartup nalinginnaasumik missingersuutaasa iluanni akilerneqarsinnaasutut naatsorsuutigineqartunut.
- 2) Sammisanut qinnuteqarsinnaanermut piffissaliussap nalaani aallartinneqareersimasunut, matumani utertitsisoqarnissaa pineqarsimanngippat.
- 3) Nittartakkanik pilersitsinermut ingerlatsinermullu.
- 4) Ilinniarnernut pikkorissarnernullu.
- 5) Sakkunik, atortunik, nipilersuutinik, pequtinik qarasaasianik softwarenillu pisinermut, taamaattoq tak. imm. 2.
- 6) Saqqummersitseqqinnernut, atuakkat cd-llu ilanngullugit
Imm. 2 Sakkunik atortunillu pisinermut tapiisoqarsinnaavoq, tamanna suliaqarnermut imaluunniit suliap suliarineqarneranut aalajangiisuulluni pingaaruteqarpat.

Kapitali 3

QINNUTEQARIAASEQ

§9. Qinnuteqarnek, qinnuteqaammik elektroniskiusumik, nittartakkatigut, immersuinikkut pissaag

§10. Qinnuteqaatit ataani ulluliussat iluanni nassiunneqassapput:

- 1) 1. februar
- 2) 1. maj
- 3) 1. august
- 4) 1. november

Kapitali 4

TAPIISSUTIT NAATSORSUIFFIGINERI, KUKKUNERSIORNEQARNERI KIISALU ATORUNNAARSINNERI UTERTITSISSUTIGINISSAALLU

§11. Suliniutinut tapiissutinik tiguisartut suliniutip naammassinerata kingorna kingusinnerpaamik qaammatit pingasut qaangiunnerisigut tapiissutit atorneqarnerinut naatsorsuutinik atsiukkanik Eqqumiitsuliornermut Aningaasaateqarfimmut nassiussissapput.

§12. Suliniutinut tapiissuteqarnermi tapiissutit 150.000 kr.-nit ataassimappagit kukkunerisiuinissamut piunasaqaateqanngilaq. Naatsorsuutit tapiissutinik tiguisup atsiorsimasai naammapput. Tapiissutinik tiguisup atsiornermigut uppersarsassavaa, naatsorsuutit eqqortuusut, tapiissutinik tiguisoq aningaasaqarnermut tunngatillugu pisussaaffinnik mianerinnissimasoq aamma tapiissutit siunertamut atorineqarsimasut.

Imm. 2. Suliniutinut tapiissutit 150.000 kr.-nit ataallugit tapiissutinik tiguisoq tapiissuteqartartumit ataatsimit arlalinnilluunniit tapiissutinik tigusaqarsimappat tapiissutinik tiguisoq tamanna pillugu uppersarsaatissanik aqutsisumut nassiussissaaq.

Imm. 3. Tapiissutinik ikinnerpaamik 150.000 kr.-ninik tiguisoqarsimappat naatsorsuutit kukkunerisiusumit naalagaaffimmit akuerineqartumit nalunaarsorneqartumilluunniit kukkunerisiorneqarsimassapput.

§13. Tapiissutit akuerineqartut imatut pisoqarsimappat tamakkiisumik ilaannakortumilluunniit uterteqquneqarsinnaapput:

- 1) Tapiiffigineqartup tapiiffigineqarnissamut piunasaqaataasut naammassisinnaajunnaarpagit.
- 2) Tapiiffigineqartup tapiissutit akuersissutigineqartunut piunasaqaataajunnartut naammassinngippagit.
- 3) Qinnuteqartoq eqqunngitsunik paasissutissiisimappat.
- 4) Tapiissutinik tiguisoq paasissutissanik pingaarutilinnik nassiussinissamik itigartitsisimappat, taakkunungalu naatsorsuutit ilaapput.

§14. Eqqumiitsuliornermut Aningaasaateqarfik qaqugukkulluunniit tapiissutinik tiguisoq suliassamut tapiiffigineqartumut paasissutissanik pingaarutilinnik nassiussuqqullugu qinnuiginnissinnaavoq.

Kapitali 5

ATUUTILERSITSINERMUT AALAJANGERSAKKAT

§15. Malittarisassat ullormi 1. januar 2022 atuutilissaaq

Imm. 2 Ukiup 2021-p sisamararterutaani kingullermi nipilersuusiornermut aningaasartuutit matussusernissanut tapiissutit kingusinnerpaamik 1. februar 2022.

Stk. 3 2022-mi Sulinissamut tapiissutit ulloq 15. januar 2022 nassiunneqarsinnaapput.

Eqqumiitsuliornermut Aningaasaateqarfik, ulloq 29. december 2021

Julia Pars

Eqqumiitsuliornermut Aningaasaateqarfimmi siulittaasoq